

西南稀見方志文獻

第十四卷

中國西南文獻叢書

中國西南文獻叢書
第十四卷
西南稀見方志文獻

中國西南文獻叢書·第一輯

西南稀見方誌文獻

第十四卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

中國西南文獻叢書·第一冊

第一冊

本卷目錄

樂至縣志	〔清〕裴顯忠修 劉孟興纂……………	一
梓潼縣志	〔清〕張香海等修 楊 曦等纂……………	一六三
高縣志	〔清〕敖立榜 曾毓佐等纂修……………	三七一

【清】

裴顯忠
劉孟興
纂修

樂至縣志

《樂至縣志十四卷首一卷》，清裴顯忠修，劉孟興纂。本書據清道光二十年（公元一八四〇年）濱興局刊刻本影印，原書成品尺寸爲二十五厘米乘十四厘米，版框尺寸爲十八厘米乘十一厘米。

道光
庚子
年秋
鐫

樂
至
縣
志

板
李
賓
興
局

樂至縣志

卷首序

澆如明為予成原小園
以得士文學素優又留心
雅清以大批分發焉考今
為樂至今來系出仁祥縣
志屬為序閱之見予考授
精審自地理建置以至士

如雜紀搜羅美富樸實謹
求洵可以備掌故而昭淑
勳由此推之澆如之興利
除弊處心民而樂而亦見
示陽隆小邑萃古而古斯
土是為山川增色澆如為

樂至縣志

卷首序

之設書祠墓秋享祀真弓
曠百世而相感者抑又同
之今巴東也梅菱柏子庭人
以此甘棠以之萃公柏澆
如之于茲是與利除弊
心民事若此異日甘棠之

愛維美而賢也見古之人
不相及而是為序

道光辛丑秋七月既望通家

生堂孫潘世恩書時年七

十有三



重修樂至縣志敘

樂至縣志

樂至之有志也始諸楊佐龍繼者葉寬
曰而成之者裴顯忠皆以邑令輯邑事叙
序以竟作而歎曰聿昔有周地圖詔事土
訓攸司方志觀事誦訓是掌厥嗣乘
籍茲其初哉漢時計書既上太史郡國地
志固亦在焉劉向記域朱贛條俗孟堅因

樂至縣志

卷首 自序

一

之作地理志馳流已啓垂符代興鄭子稱志
盼尔正史詳事實史通則云如各志其本
國足以明此一方文約事備精密常難昔
論志例以惟取簡核予謂史體宜簡志體
宜詳衷於謹嚴而已嘗秋簡焉左氏傳則
繁事實之言匪伊靡備縣雖蕞尔沿革之
異同壤地之離合形執之險易支湊之遐遐

版賦之耗登氣俗之劉柔古今之遺蹟官司

之良能人物之挺逸淑烈之懿燦土毛之
良楷津梁亭驛廟寺陵墓之名數圖芳史
策百得四五假非備寫淪委孰收山川黠沒
物閎殊尤貞魂義骨埃沒荒邛夫且有益於
風教者詎可使放絕而無聞哉樂至隸潼較
偏七縣肇唐武德分野復後歷唐越宋典冊

樂至縣志

卷首 自序

二

銷沈炭思鈎買固所取承楊失之略葉失之蕪
每一參校輒病舛疏欲有以定之而未能暇頒
政所屆勅加採尋苔碑剔字辭柱披文曩
代職官人士軌迹久遠之事往而在殘剝落
次尚堪抄錄夫苒此五六十載使勤蒐訪何至
劇減哉即有刊聞奚若斯之甚与矧職官士
女姓氏行業舊志漏遺近經四紀泯不燿

今不綜輯推待來者載襍荒忽風磨火燬雖欲述之烏從而述之予為此懼援古切今甄摘舊文疑者則闕毋強牽引毋妄穿鑿明徵信也呂溫言曰居官而自為記者美己代人記者美人誣飾巧附地學通弊凡所登載驗實乃書嚴放敷也鄉閭之氓并白之婦苟有幽光無或蔑棄況其著者乎爰鋟此志寸薄筆

樂至縣志

卷首

自序

三

短亦克備掌故者之採擇而顯賢能宣風教勸戒之義竊三致意焉後之君子必有照於斯矣編次於首夏九月杪畢撰總其梗概以示盡守土者之責耳競新異乎哉皆道光庚子冬十月二十有三日也



凡例

前明舊乘初燼罔存

國朝雍正六年邑令楊佐龍始輯凡二十七篇擬拾委運之餘又促二十日而成荒畧誠亦不免乾隆五十一年知縣葉寬踵修離為八卷文增於前然詳加排較雍正以往皆因楊志靡有釐正第增學校古蹟土產時序風俗諸冊而已中如樂至池賦楊佐龍作而謫為明邑令朱統鎮其與明縣宰燕祖召山泉和韻者楊志則為邑人賓廷先也而曰趙澆宋明代懸如斯之

樂至縣志

卷首

五

類差互非一目瞽之喻蔚宗范氏所騰誦於扶風也合綜二志其可據者仍之其記監無當者妄之補遺定誣必覈必信匪敢妄用譏庶庶考衷之義或有合焉

一地志體在謹嚴事歸實實今倣康德涵海韓五泉邦諸武功朝邑二志例酌分大綱六門曰地理次建置次田賦次職官次選舉次士女而以雜紀終焉前修德陽新志亦此義也而稍變分田制祿百代彝準立義至深遵賦政全書賅載不列什繫樂至獨無水利

樂至縣志

卷首

七

與權政倉儲省附回賦舖遞非衙并諸關隘什進封
爭尤少制之則遺專設不能成恭於選舉首列四
圖皆舉切要部分子目二十一條接據古籍悉標原
文中有考定其後逐加按語傳信傳疑無取清冗不
以重設象緯藻繪山川取盈卷帙勵祀謹詳廢興亦
不以會典配位祭儀通行天下與一邑無關體要者
鉤繁所不必繁

一郡縣方志推表地理條記風俗撰述人物稽之漢代
各自為書迄晉摯虞作職服經合有諸體而藝文靡

載至宋樂史太平寰宇記出始變其例以後作者莫
能廢也今倣范石湖成大吳郡志詩賦記序散見各
條下近人存者不錄文足繫事偶登一二若倡酬瑣
屑尋常題詠概從削諸

一今幸前政俊良攸庶取資往謀樂至始唐武德間分
置政隋以前無聞唐宋兩代與記稀絕楊葉二書職
官士女綉次無幾勤樞博蒐偶雖採獲然於宋僅能
舉其人於明尚能舉其事唐則人物畧有彷彿而二
徵文考獻蓋不可虛撰也今以儒林文苑忠義孝友

樂至縣志

卷首

八


隱逸統歸人物賢孝節烈統歸列女自宋以來縣今
名氏選授之次與其理迹揚葉書官師表遺漏者金
鑄石記彈力采尋發潛聞幽頗具苦心愧聞見淺鮮
不克多有補綴再增再輯是所冀於後賢
一金石舊志不及茲初掘得唐碑二孟蜀碑二宋碑三
明碑五雖埋蘊歲久殘蝕過甚然遠者千有餘年近
亦數百載精光不沒何可舍諸況有資證史籍所未
逮者惟單立一門殊覺寥如命子恩炳恩銓細為辨
釋附古蹟之後

一杜預有言非圖無以志形非書無以志古而州縣志
乘又職方氏所倣落府志省志因之取材者也最宜
熟按精審不得薄有麗形乾隆丙午迄今且五十四
年其間事蹟月盛歲增非從疏錄後將何述余自戊
戌秋蒞政取楊葉兩志繕閱意頗不慊咨者訪耆公
程所至有經驗實輒書之小冊以備茲編之作己亥
襄事秋賦未遑開修今年春謀諸友人劉孟與碩輔
屬專纂修延邑孝廉唐清渠永繼李雲襄天錫明經
唐阜國永憲雷竹友恩連張桂堂開第茂才鄧熙臣

吳漢泉 采訪考訂檢校則學博何尊德
建戎友劉齒芬 吳欽之 李榮門 克家余資安 達
源舍弟顯義子恩明恩炳恩銓繪圖者邑庠湯曲溪
經給也地學素非通習疎漏之譏不能免亦不敢辭
古閬裴顯忠澹如甫識



樂至縣志



樂至縣志總目

卷首

序

凡例

輿地全圖

城池全圖

公署全圖

水利全圖

卷一

樂至縣志

目錄

地理志

沿革

疆域

形勝

卷二

地理志

山川

卷三

地理志

風俗

物產

卷四

建置志

城池

公署

卷五

建置志

關隘

舖遞

場鎮

卷六

建置志

祠廟

卷七

建置志

學校

卷八

建置志

津梁

卷九

建置志

寺觀

卷十

樂至縣志

目錄

建置志

古蹟

冢墓

卷十一

田賦志

賦稅

權政

倉儲

水利

卷十二

職官志

文職

武職

卷十三

選舉志

貢舉

仕進

封蔭

卷十四

士女志

人物

樂至縣志卷第一

地理志第一

沿革

樂至縣寰宇記因樂至池名也古統禹貢梁州封域舊志云潼在背參之次入參一次樂亦背次之間分地而不分天昔有其說元象微渺蕞爾彈丸邑指疆上配恐未免管穴也秦爲巴郡之西境地漢犍爲郡牛鞞縣地東漢因之後周置多業縣爲多業縣地隸普慈郡隋爲普慈縣地隸資陽郡唐武德三年析普慈縣地爲樂至

樂至縣志

沿革

此設縣之始也隸普州中縣統於劍南道宋因之乾德五年省普慈縣入焉下縣寶祐中廢元初爲遂寧州地後爲安岳縣地明成化元年七月復分置縣編戶七里屬潼川州正德九年改屬簡州嘉靖元年四月還屬潼川州

國朝康熙十九年始設官省安岳縣入之雍正六年仍置安

岳縣升潼川爲府而以縣隸焉

按縣舊爲普慈縣車免鎮地元和郡縣圖誌漢資中牛

鞞二縣地隋書地理志後周置郡曰普慈縣曰多業開

皇初郡廢十三年縣改名焉又曰安岳後周置並置普

州大業初州廢同統資陽郡是二郡先後皆廢顧祖禹

謂縣屬普州者誤也至以普州爲普慈郡者諸史地理

志皆無其說惟劉昫曰梁置普慈郡後周改曰普州然

隋書一志統宋齊梁陳梁既設郡隋志何爲遺之唐初

去梁猶近序已明言臺城淪陷注記無遺郡縣戶口不

能詳究姚思廉亦云梁天監後州名浸多不可勝紀故

新唐書不從者知其說未安也文獻通考則因於劉昫

之說矣

樂至縣志

沿革

舊志普慈廢縣傳今之井市鎮治南三十五里又云多業廢縣潼志在治北五十里今傳在金山寺計三十里按隋開皇中郡廢而縣改名者是改多業縣名普慈也不得別有一縣卽所置普慈郡未必不在多業縣治史志分明未曉何憑紛錯循名責實事歸焉有或紀與地者之通弊與

又崇龕廢縣唐置宋乾德五年與普慈同廢舊志云總

志載樂至出崇龕梨天池藕是縣亦廢入樂至孟蜀大

悲龕記碑前云普慈縣碑後題名有崇龕場鎮將某則

崇龕故爲普慈地孟蜀時已言場非縣明甚乾德五年
與廣政二十六年相去僅十三載不知何時復置而旋
廢之唐志不注有鹽今縣惟欽民一鄉無鹽井與安遂
界嘗因公至安岳馴龍場土人言掘得殘碣古錢多錯
崇龕字知其地今遂樂安裂分之也

樂至縣志

沿革

三

地理志第二

疆域

樂至縣治在四川布政司東南二百四十里在潼川府
西南二百四十里重巖遠壑環絡包流介雄州壯縣之
間城水爲封界山作障屹然亦小都會也漢犍爲郡牛
鞞縣地後周始置多業縣隋改縣曰普慈統資陽郡唐
析置樂至縣與普慈並列猶統資陽宋乾德五年廢普
慈入樂至兼有其地統普州王存九域志縣有八鎮雖
未詳井疆申畫所訖然當時幅員之闊略可想見寶祐

樂至縣志

疆域

四

中廢元因之至明成化復統簡州仍統潼川州樂至之
名乃定明一統志縣編七里其間或益或省隸資雖迭
隸普隸潼隸簡離合不常廣狹代制而寰宇記所載四
至八達與今無甚懸異舊潼川志云東西廣一百五十
里南北袤一百一十里及考通志楊葉兩志彼此參差
非實明徵信之義綜閱吏牘檢正輿圖而錄其實數
國朝初設縣如故康熙十九年始頒印立官省安岳人之雍
正六年樂安各治郊圻區判屬潼川府所轄周圍四百
五十五里東西距一百里南北距一百一十里東至盤

京師五千八百四十里

龍河五十里與遂寧界西至謝家橋五十里與簡州界南至通旅場六十五里與資陽安岳界北至白廟子四十五里與中江界東南至雙河橋八十里與安岳界東北至何家灣與遂寧界三十五里西南至舒家溝與資陽界四十五里西北至土壩子與金堂中江界八十五里至

樂至縣志

郵政

王

地理志第三

形勝

飛鳳蟠龍闔所寶鼎玉帶呈祥樂邑四達之區東連巴渝西接錦江潼川遠據於北資中屏蔽於南境內左倒流而右高寺據場鎮之勝地實道路之咽喉潼川州舊志石佛金羊競奇爭秀七盤寶鼎疊霄連青川中勝地潼屬名區舊縣志

治處潼川之南偏西蔽成都與簡州共長江之險東當安岳遂寧銅梁合州綰轂其口斯亦阨狹之勢也

樂至縣志

卷一

形勝

二

方輿紀要萬歷中奢崇明僭據重慶西逼成都官軍赴援復安岳樂至縣與賊戰於倒流鎮石橋永濟舖原註志云樂至邑東十里有永興舖永濟蓋永興之訛皆克之賊尋逸去又云大小娑婆山山高險皆可屯兵者山平冠錄云茗山故普慈縣地與樂至縣接界安丙降漢中叛將張福於此嘉慶庚申劫匪犯安遂將由樂至窺成都邑人先於永興舖作保安堡以扼之屢破賊五臺山其不敢越渡鴈水守要足以制也故雖為東川間道非四達據衝無關限之固然山阻而塗澀式遏凱觀習坎